



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Evangelia: Qvæ Vsitato More in diebus Dominicis &
Festis proponuntur, Annotationes Philippi Melanth.**

Melanchthon, Philipp

Vuitebergæ, 1544

VD16 E 4532

Dominica Qvinta Post Trinitatis, Evangelivm, Lucae V.

urn:nbn:de:hbz:466:1-35272

DOMINICA QVARTA

bandis erroribus, de quibus teneatur regula. Si quis aliud Euangelium docuerit, anathema sit. Item: Qui confitetur me coram hominibus, confitebor eum coram patre meo &c.

DOMINICA QVINTA POST TRINITATIS, EVANGELIVM,

Lucæ V.

FActum est autem, cum turba irrueret ad eum, ut audiret uerbum Dei, & ipse stabat secus stagnum Genesareth. Et uidit duas naues stantes secus stagnum, Piscatores autem descenderant ex illis, ac lauabant retia. Ascendens autem in unam nauim, quæ erat Simonis, rogauit eum, ut a terra rediret pusillum. Et sedens, docebat, de nauis turbas.

Vt cessauit autem loqui, dixit ad Simonem: Duc in altum, & laxate retia uestra in capturam, Et respondens Simon, dixit illi: Præceptor, per totam noctem laborantes, nihil coepimus, in uerbo autem

POST TRINITATIS. 36.

bo autem tuo, laxabo rete. Et cum hoc fecissent, concluderunt piscium multitudinem copiosam, Rumpebatur autem rete eorum. & innuerunt socijs, qui erant in alia nauí, ut uenirent & adiuuarent se. Et uenerunt, & impleuerunt ambas naues, ita ut mergerentur.

Videns autem Simon Petrus, procidit ad genua Iesu, dicens: Exi a me Domine, quia uir peccator sum, pavor enim circumdederat eum, & omnes qui cum illo erant, super captura piscium, quam coeperant. Similiter autem & Iacobum & Ioannem filios Zebedæi, qui erant socij Simonis. Et ait ad Simonem Iesus: Noli timere, posthac homines eris capiens. Et subductis ad terram nauibus, relictis omnibus secuti sunt eum.

DVO SVNT PRÆCIPVI

Loci.

- I. Exemplum exercitij fidei in rebus corporalibus.
- II. Exemplum exercitij fidei in terroribus spiritualibus.

e iiij Prior

DOMINICA QVINTA

PRior locus de bonis corporalibus docet de dicto Christi: Primum querite regnum Dei, & iusticiam eius, & cætera adijciuntur vobis. Præcipit enim, ut prima nobis cura sit de uerbo Dei, eiusq; ministerio conseruando, ita futurum, ut Deus defendat nos, suppeditet nobis ea, quæ ad uictum, & ad hanc uitam necessaria sunt, etiamsi id non fiat sine nostro labore, & sine nostra tribulatione. Hæc consolatio necessaria est in Ecclesia, quam uidemus egere & affligi in mundo, Ministri modo non fame pereunt, propterea deseritur ministerium, & quisque pro se de uictu parando cogitat. Hic erigendus est animus hac promissione, quòd querentibus regnum Dei, cætera omnia adijciuntur. Id si quis uelit extendere, ire potest etiam per alia genera uocationum, Quælibet enim uocatio sua habet pericula, quæ premunt, & fatigant homines. Ibi primum querendum est regnum Dei, id est, curandum est, ut ex uerbo discamus de bona uoluntate Dei erga nos, ut fide ad eum confugiamus in omni uita, in omnibus periculis, Deinde, ut in sua quisque uocatione, quæ quidem habet mandatum Dei, seruiat Deo, faciat suum officium ad Dei gloriam, & utilitatem Ecclesiæ, & Reipub. reliqua Deo committat, illa enim ultrò se Deus adiecturum esse promittit. Quales sunt multe sententiæ

POST TRINITATIS. 37.

sententiæ scripturæ, ut: lacta cogitatum tuum in Dominum, & ipse te enutriet. Item: Reuela Domino uiam tuam, & ipse faciet &c. Hæ sententiæ utrunque docent, & quod sine fide ac inuocatione, nostri labores sint infœlices. & etiamsi in nostra uocatione multa accidunt aduersa, tamen animos excitandos esse fiducia Christi, & sciendum, ipsum nobis adsuturum esse, & daturum, ne labor noster sit irritus, & sine fructu.

Alter locus est de doctrina spiritali, id est, de remissione peccatorum, Nam illud prius corporale beneficium, nunc Petro fit Sacramentum. Inteligit diuinitus sibi contigisse hoc beneficium, & hunc Dominum esse missum à Deo, habentem potentiam diuinam, iustum, bonum &c. Hæc agnitio parit in eo novos motus, primum traducit eum ad agnitionem sui, uidet se esse peccatorem indignum tanto beneficio. Non enim fit deterior aut securior, ut alioqui successus reddunt homines insolentiores, Sed existit in eius animo primum contritio, id est, terror ex conspectu suæ indignitatis, & sensu iudicij Dei seu iræ aduersus peccatum, à quo non posset liberari, nisi reuocaretur uoce Christi, qui iubet eum confidere, id est, statuere, quòd recipiatur à Deo, & habeat remissionem peccatorum. & addit tãquam signum, quo testetur se uere illum recipere, uocationem ad societatem ministe-

c v rij

DOMINICA QVINTA

rij Euangelij. Ita Petrus territus magnitudine beneficij, & iudicans se indignum esse presentia Domini, & tam immenso & repentino bono, quod uidebat sibi non ex labore suo, sed Domini beneficio contigisse, exemplo est, quo quisque modo sit affectus, etiam cum experitur Deum non iratum, sed misericordem esse. nam mens humana, siue iram Dei metuit, siue misericordiam uidet, tamen quantum in ipsa est, ad utrumque refugit. Hæret enim in omnium animis hæc cogitatio, quod pœnam meriti simus, misericordia uero indigni simus. Hic necesse est nos, sicut Petrum, reuocari uoce Christi: Ne metuas. quasi dicat: Ideo quia tu es peccator, & terreus tua indignitate, uolo te in mea misericordia, & bonitate spem habere, & acquiescere. Confide igitur, & non tantum in hac re meum beneficium senties, sed faciam te piscatorem hominum, hoc est, Apostolum, & Doctorem in regno meo, longe alium, quam hactenus fuerunt Doctores in populo Dei.

Allegoria utriusque loci plurimum habet suauitatis, de Ecclesia. Hæc cum quærat regnum Dei, etiamsi eget in mundo, tamen sustentatur in medijs afflictionibus, duratq; perpetuo, cum interim impij cum sua potentia, cum suis opibus pereant. Alter locus ad hanc Allegoriam transferri potest, quod ministerium Euangelij sit piscatio

tio

POST TRINITATIS. 38.

tio non ociosa, sed magni laboris & multæ molestiæ. Quàm uero frugiferum sit ministerium, & quàm diu duraturus labor ministerij, non cernitur. Sicut enim pisces in reti sub aqua latent, ita Ecclesia in hac uita latet obruta afflictionibus, & infirmitate omnis generis. Ad extremum uero postquam rete ex aqua extractum fuerit, apparebit fructus uberior omnium opinione, ut ingens sit omnium futura admiratio. Proponitur item consolatio aduersus scandalum, quòd multi desiciunt ab Euangelio, & relabuntur ad errores. Nam & si aliqui, ut pisces rupto reti, excidunt, tamen in reliquis efficax est ministerium. multi seruantur, & manent in societate membrorum Ecclesie, & confessione puræ doctrinæ Euangelij.

DOMINICA SEXTA
POST TRINITATIS,
EVANGELIUM,

Matth. V.

Nisi abundauerit iusticia uestra plus quàm Scribarum & Phariseorum, non intrabitis in regnum cœlorum.

Audistis,